


Deporte Local

Kamilah Dammers a logra medaya di Oro pa Aruba den Weganan Centro Americano y del Caribe



ORANJESTAD (AAN)--- Tabata 21 aña pasa pa ser exacto 22 di November 1993 cu Aruba a logra su prome medaya di Oro, e tempo aya conquista pa e bolichera Edna Maduro den e Weganan CAC na Ponce, Puerto Rico. Diamars 25 di november 2014, e historia ta ripiti y e gran momento a presenta un biaha mas pa e deporte di boliche y Aruba completo, ora cu e atleta femenino, Kamilah Dammers a logra e medaya di Oro pa nos dushi isla den e Weganan Centro Americano y del Caribe na Veracruz, Mexico, pa mas di binti y un aña e delegacion di Aruba a warda riba e gran momento aki.

Mainta 8or, e competencianan a inicia den e Bolerama na Veracruz y mesora desde cu a weganan a cuminsa por a nota cu Kamilah tabata den tremendo forma. Tur cos tabata na su fabor y sa na domina e competencia di bowling e mainta. Sigur den e di cinco wega, Kamilah a tira 13 strike tras di otro pa 300 pins, un perfect game. Nunca antes den historia di e Weganan CAC un atleta a tira un wega perfecto den boliche, Kamilah di Aruba ta e prome atleta den logra esaki. Es mas su score di 1516 pins ta un record pa CAC mirando cu e record anterior tabata 1367 pins.

Di otro banda e atleta Thashaina Seraus a cuminsa slow pero despues a recupera bon y duna tremendo bataya, pero no por a keda consistente den su weganan consecuentemente a cay na di 36 lugar overall. Den oranan di merdia tabata tin e grupo pero esaki na e competencia den e resultado final. E atleta Jeadine Luidens kende tambe e tira algun wega hopi bon pero sin mucho consistencia a termina na di 33 lugar den overall standing.

Aruba a logra su prome medaya di Oro na Veracruz y su di dos medaya te cu awor aki, mas cu claro e emocionan tabata bisto cerca henter e delegacion presente cu a apoya tanto Kamilah Dammers como Thashaina Seraus y Jeadine Luidens den e Bolerama.

Presidente di ARBAS, Sra. Prisca Albertsz tabata tin honor di haci entrega di premio na e finalistanan femenino. E himno Aruba Dushi Tera a resona den e compleho Bolerama.

Pabien Kamilah Dammers, e federacion di bowling ARBAS y Aruba completo.

